

Dearbhú um Chosaint Sonraí

PISA 2025 — Ceistneoir an Chomhordaitheora Eolaíochta

Aitheantas agus sonraí teagmhála an rialtóra:

Foras Taighde ar Oideachas
DCU - Campas Choláiste Phádraig
Droim Conrach
Baile Átha Cliath 9
D09 AN2F
Éire
Teil: +353 1 837 3789
Ríomhphost: PISA.Ireland@erc.ie

Cén cuspóir a bhaineann le bailiú agus le próiseáil sonraí?

Is do chuspóirí eolaíocha amháin a úsáidfear na sonraí a bhaileofar i rith staidéar PISA (Programme for International Student Assessment) 2025, lena n-áirítear Triail Allamuigh 2024. Is tionscadal taighde ar oideachas é PISA, urraithe ag an OECD (Organisation for Economic Cooperation and Development). Reáchtálann an Foras Taighde ar Oideachas (FTO) PISA in Éirinn ar iarratas ón Roinn Oideachais, agus thar ceann na Roinne Oideachais. Tá sé seo i gcomhréir le ceann de na feidhmeanna (*“carrying out national and international assessments of the attainment levels and academic achievement of students and reporting on such assessments to the Minister”*) a leagadh amach in Ordú Bunaithe an FTO mar chomhlacht reachtúil (tá sé seo le feiceáil, ina iomláine ag: <http://www.irishstatutebook.ie/eli/2015/si/392/made/en/print>).

Is é *“for compliance with a legal obligation to which the controller is subject”* bunús dlíthiúil an FTO chun sonraí pearsanta a phróiseáil de réir RGCS, Alt 6.

Cén t-eolas a iarrtar?

Tugtar cuireadh do chomhordaitheoirí eolaíochta atá freagrach as an tSraith Shóisearach sna scoileanna atá rannpháirteach in PISA ceistneoir a chomhlánú. Mura bhfuil comhordaitheoir eolaíochta ag do scoil, is féidir leis an bpríomhoide nó an leas-phríomhoide an ceistneoir a chomhlánú. Dírithear go príomha ar an tSraith Shóisearach ach baineann roinnt ceisteanna go sonrach leis an eolaíocht sa Tríú Bliain agus baineann líon beag ceisteanna leis an eolaíocht san Idirbhliain nó sa tSraith Shinsearach.

- Chun a chinntiú go bhfuil PISA bunaithe ar shamplaí de scoláirí agus de scoileanna a roghnaíodh go heolaíoch, táthar ag súil go gcomhoibreoidh scoileanna le riarachán PISA ina scoil nuair a iarrtar orthu é sin a dhéanamh ([Ciorclán 0025/2012 ón ROS](#)).
- Ní chuirfeadh comhordaitheoirí eolaíochta faoi mhíbhuntáiste ar bhealach ar bith i gcás nach gcomhlánaítear Ceistneoir an Chomhordaitheora Eolaíochta agus tá cead ag freagróirí léim thar cheisteanna aonair nó éirí as ceisteanna a fhreagairt in am ar bith.
- Chun pictiúr iomlán a fháil ar an gcóras oideachais in Éirinn, spreagaimid gach scoil a ndéantar sampláil orthu mar aon lena gcomhordaitheoirí eolaíochta a bheith rannpháirteach. Mar sin féin, más mian le rannpháirtí staidéir tarraingt siar ó rannpháirtíocht i PISA, is féidir amhlaidh a

dhéanamh trí iarratas a chur isteach chuig PISA.Ireland@erc.ie suas le 4 seachtaine tar éis reáchtáil na dtrialacha.

- Is féidir le haon rannpháirtí, a dteastaíonn uaidh/uaithi a (h)eolas a tharraingt amach nó a athrú, dul i dteagmháil leis an bhForas Taighde ar Oideachas (PISA.Ireland@erc.ie). Má tharraingíonn duine amach as an staidéar, ní bhaileofar aon sonraí breise don duine sin. Coimeádtar roinnt eolais ar tharraingt amach agus ar eisiámh chun an sampla a bhailíochtú agus chun eolas a chur ar fáil do riarachán trialacha sa todhchaí (m.sh., le feiceáil an bhfuil baol níos mó ann go dtarraingeodh cailíní amach as rannpháirtíocht sa staidéar).
- Is féidir ceisteanna maidir le cosaint sonraí pearsanta a sheoladh chuig Oifigeach um Chosaint Sonraí an FTO (data-protection@erc.ie).

Cén saghas sonraí a bhailítear?

Bailítear agus stóráiltear sonraí ó fhreagraí ar gach Ceistneoir Comhordaitheora Eolaíochta PISA a chuirtear i gcrích. Is mar uimhreacha a chuirtear na freagraí roghnaithe in iúl (ceist ilrogha, mar shampla) nó mar luachanna (figiúr do líon na múinteoirí sa scoil). Ní féidir an t-eolas seo, ann féin, a úsáid chun freagróirí aonair a aithint as a n-ainm, agus ní bhailítear ainmneacha na gcomhordaitheoirí eolaíochta. Mar sin féin, taifeadtar Uimhir Aitheantais comhordaitheora eolaíochta chun gach comhordaitheoir eolaíochta a aithint go sainiúil. Tá an gaol idir an Uimhir Aitheantais seo agus ainm na scoile, nó uimhir chláráithe náisiúnta, ar eolas ag an Teagmhálaí Scoile agus ag an FTO.

Cá háit, conas agus cá fhad a dhéantar sonraí PISA a stóráil?

Stóráiltear sonraí PISA go daingean san FTO agus ní féidir le haon duine ná córas seachtrach rochtain a fháil orthu. Ina theannta sin, níl rochtain ar na sonraí ach amháin ag fostaithe de chuid an FTO atá ag obair ar an staidéar. Ina theannta sin, aon fhostaí de chuid an FTO a dhéanann rochtain ar na sonraí chun iad a phróiseáil, cuireadh ar an eolas go cuí é/i maidir lena bhfuil i gceist le láimhseáil inghlactha sonraí. Tá aontú rúndachta sínithe acu. Ó am go chéile, d'fhéadfadh go mbeadh ar sholáthraithe tríú páirtí rochtain a fháil ar ár gcórais chun tacú lenár mbonneagar líonra agus TF. Tá Comhaontuithe Próiseálaí Sonraí cuí i bhfeidhm ag an FTO leis na tríú páirtithe seo chun do chuid sonraí a chosaint.

Is mar seo a stóráiltear na sonraí:

Stóráiltear gan chríoch sonraí freagartha sa chaoi go bhfuil siad ar fáil don anailís. Ní bheidh rochtain ag an bpobal ar bhunachar sonraí cheistneoir comhordaitheora eolaíochta PISA.

Cé leis a ndéantar sonraí ó PISA a roinnt agus conas a dhéantar an roinnt?

Bailítear sonraí do Cheistneoir Comhordaitheora Eolaíochta PISA ag úsáid ardán suirbhéireachta ar líne, Qualtrics. Tá Qualtrics faoi réir threoracha um chosaint sonraí mar a mhínítear ar a suíomh gréasáin [Polasaí Príobháideachais– Qualtrics](#).

Úsáidimid Microsoft Office 365 (cláir ar nós Outlook, SharePoint) inár gcuid oibre, agus úsáidimid bearta daingne príobháideachais i ngach céim den staidéar. Ina theannta sin, scriosann Irish Security Shredding (Irish Security Shredding, Skellys Yard, An Barda, Co. Bhaile Átha Cliath) ábhair pháipéir faoi rún ag áitreabh an FTO, ag deireadh an staidéir. Tá aistriú ábhar ón FTO go Irish Security Shredding cosanta ag Aontú um Próiseáil Sonraí.

Sonraí atá bainteach

Mar aon le comhordaitheoirí eolaíochta, iarrtar ar phríomhoidí, ar scoláirí agus ar thuismitheoirí nó ar chaomhnóirí ceistneoir a chomhlánú.

Rochtain phoiblí

Tá éis an Phríomhstaidéir, beidh rochtain ag an bpobal ar an mbunachar sonraí taighde idirnáisiúnta deiridh, a chuimsíonn sonraí ó scoláirí, ó thuismitheoirí agus ó phríomhoidí (ach ní ó chomhordaitheoirí eolaíochta in Éirinn) ó na suíomhanna gréasáin seo a leanas:

<https://www.oecd.org/pisa/data/>

Tá na sonraí uile sa bhunachar sonraí anaithnid, agus ní féidir iad a cheangal le daoine aonair. Déanann an FTO na sonraí go léir anaithnid roimh fhoilsiú an bhunachair sonraí taighde inmheánaigh chun a chinntiú nach féidir aon duine a aithint.

Cinnteoireacht agus próifiliú uathoibrithe

Ní reáchtáiltear aon chinnteoireacht uathoibrithe, próifiliú san áireamh, a luaitear in Alt 22 RGCS.

Ceartha Daoine is Ábhar do na Sonraí

Tá daoine is ábhar do na sonraí i dteideal na gceart a leagtar amach in Ailt 15-20 RGCS. Tá an ceart ag daoine is ábhar do na sonraí gearán a chur isteach le húdarás maoirseachta. In Éirinn, is é seo an t-údarás cuí:

Oifig an Choimisinéara Cosanta Sonraí,
21 Cearnóg Mhic Liam Theas

Baile Átha Cliath 2

D02 RD28

Éire

Teil: 01 765 0100

Uimhir LoCall: 1800 437 737

Is féidir tuilleadh eolais maidir le teagmháil a dhéanamh leis an gCoimisinéir Cosanta Sonraí a fháil anseo: [Conas teagmháil a dhéanamh linn | An Coimisinéir Cosanta Sonraí](#)